

Eggstoana Rud

Rudenkirtag Sierning Faschingdienstag am 5.3.2019



<p>Schlecht stehts um d` Linzer Kultur, dort herrscht Krisenstimmung pur, dabei woa Linz ja grad, 2009 Kulturhauptstadt, der Titel gheat ea aberkannt, weils halt so Banausn sand, mit 4 Rudn meld ma schau, den Titel für Neukircha an.</p>	<p>In Buchegger verfoigts, muass ma sagn, zerscht hat a Ast eam d` Zäht ausgeschlagn, jetzt spiest er auf sei Knia, ganz bled, bei an Christbaumnetzgerät, da hats eam Kniascheibn ziemli z` teufelt, da Hans woa nachadt ganz vazweifelt, denn es schaut aus, wia wann er gwiß, für echte Arbeit z` patschat is.</p>
<p>Ois Überraschung ganz geheim, ladt` da Schnabl d` Garde ein, zan Walter Jungert sein Fest, zu sein 60ger is gwest, schreibt a Gruppen-Email glei, ladt fälschlich a in Walter ei, ois James Bond, liaba Schnabl, warast echt miserabl.</p>	<p>Ma siacht in den Wäldern von Thanstettn, in Templ Fritz si abifrettn, durchforstn tuat da Fritz sein Schacha, und macht an riesn Haufa nacha, do sei Nachbar, oh geh leck, hat irrtümlich ois wegapeckt, ma siacht in den Wäldern von Thanstettn, in Fritz si wieda abifrettn.</p>
<p>In da Landwirtschaft wird anbautechnisch vü probiert. A da Saxi is modern, probiert des und das recht gern. Do letztes Jahr, echt koa Witz, hat er sein Raps gscheid gspritzt, koa Pflanzl Ukraut hast mehr gsehn, und a da Raps is wegga gwehn.</p>	<p>Um des Neujahrsbaby hei, woars a gscheidi Hetzerei, da Stelzer und die Haberlander, bringan da was durcheinander, mit Geld und Blumen san dö Narrn, zu an falschn Baby g` fahrn. Jeda Depp kann Weisat-Tragn, nur net d` Christine und da Tom.</p>
<p>Da Eisenhuba Heli, geht, na bum, mit de Maschinen wild um, schmeisst um an Hänger vor 2 Jahr, letzts Jahr in Traktor, wirkli woa, oiweu zur Ruabm-Arbat schauts aus, tauscht er sein ganzn Fuhrpark aus. Da soi nur oana nu sagn, dass d` Ruam nixi tragn.</p>	<p>20 Hektar groß is sei Hoiz, in Ignaz Mayr sei ganzer Stoiz, do wirts zan Holzschlagn, ganz ehrlich, dann wirts ziemlich gfährlich, weu er is dann voll in Fahrt, wia in an Bluatrausch, mit an Wort, dö Bam, de fliagn dann nach da Reih` , und d` Nachbar-Bam san a dabei.</p>
<p>D` Hofer Gerlinde - kennts es eh, kurvt ihr Auto durchn Schnee, woa do a wengerl z` schnell, knallt am Bam, au weh, ihr Auto war total hi, d` Airbag springan auf ois wie. A Wunder, dass da Airbag grad, bei ihrn Vorbau Platz ghabt hat.</p>	<p>In Neukematn, s` geht kaum schlimmer, schleift da Josef Salzwimmer, a mordstrum große Lindn hoam, hats gschwind miassn wega toan. Do weils net ausg` ast is gwehn, san links und rechts die Felder g` legn, hoffn da Sepp, is heut a da, da Schleifhoiz-Tornado.</p>

<p>D` Sianga Garde fahrt auf a Fest, drobn im I-viertl is g` west, do gaunz vagesn hat da Raab, dass a Kloabus b` stellt gwehn wa, midn 50er Bus fiaht er dann, 10 Gardisten umanand, do beim Hoamfahrn war, ja woi, da gaunze Bus gstricha voi.</p>	<p>Da Petern Klaus, nau super, kauft si znaxt an altn Kutter, liegt in Kroatien, dös hinich Trum, muass` repariern rundumadum, dös Schinakl hoasst genau, wia die Irmi, sei Frau, nur dass bei ihr, hoff ma gwiß, ned so vü zan richtn ist.</p>
<p>D´ Kaltnböck Christl hat lamentiert, dass nimma gscheid gedichtet wird. vü d´ Gstanzl san nur hochdeutsch gschriebm, kaum mehr Mundart find ma drin, drum hats gsagt, wann ma woin, dass ma´ s drüber lassen soin, mia sagn: Na, Christl halt: zan Drüberlassen bist uns z` alt.</p>	<p>Da Lehner Sigi, kannst vanehma, is heut zFuss zan Kirta kemma. is der oanzige der handelt, bewusst gengan Klimawandel, i geh jetzt z` Fuass, so is sei Red`, wei so a Auto brauch i ned, ziagt dös 4 Monat durch grad, bis er in Zedtl wieda hat.</p>